


REPORTAXE

A firma galega BioGea pon en marcha uns humidais artificiais que filtran a sucidade e serven auga limpa ás plantacións. A empresa confía en poder comercializar o proxecto nesta vendimia que vén

Galicia 'recicla' auga residual para a rega dos cultivos vitivinícolas



Humidais artificiais que permiten depurar a auga e serven para regar as plantacións de viñedos

SARA
DÍAZ

BioGea é unha empresa que posúe contratos con Tecnomiza, a cal se encarga de identificar proxectos para empresas de toda Europa.

Grazas a este comendio, á axuda da Universidade da Coruña e ó apoio da Xunta co plan de I+D do 2006 de augas residuais ce adegas do Plan Profit que achegou un orzamento duns 300 mil euros naceu unha idea para salvagardar o medio natural e axudar nas colleitas vitivinícolas.

O sistema consiste en crear "humidais artificiais como os que se observan na imaxe nunha lagoa que se enche de grava e plantas filtradoras. Cando a auga pasa a través destas, que quedan cos residuos, a auga sae limpa". Así explica Ramón Bodenlle, xerente de BioGea, este sistema de purificación de augas.

Hai que indicar que non se tra

Sistema novo en Galicia pero con bos referentes na Rioxa

ta dun proxecto novo porque xa se fixeron diversos estudos sobre o aproveitamento de augas residuais urbanas e "xa hai un sistema similar na Rioxa", pero si é novo en Galicia.

O proxecto xordé pola propia demanda, pois como indica Boden-



Viñedos das adegas Terras Gauda

lle "tanto A Mancha ou Ribeira do Douro están tendo problemas con Augas de Galicia con respecto aos residuos que expulsan as colleitas ó medio. Este sistema de filtrado é moito máis barato que calquera outro".

É por iso que todo vai moito "máis rápido" do pensado e os membros de BioGea xa están cun programa piloto no Pazo de Señoras de Meis en Pontevedra. "O próximo luns hai previstas unhas probas coa construtora e, se todo vai ben temos pensado comercializar o proxecto nesta vendimia que vén", pero non hai nada seguro porque "imos moi xustos de tempo", algo que, por outra parte non sería un problema porque se non está listo

de de carga, o tempo de retención ou operacións básicas de mantemento non son coñecidas suficientemente. E, isto último magnificáse se o extrapolamos a terreos do sur de España, por exemplo, como indica nun informe Agustín Lahora Cano, xefe de Centrais Residuais de

Proxectando ideas 'benevolentes' co Medio Natural

Augas do Levante Almeriense.

Pero os problemas van xurdindo ao longo do camiño e agora BioGea ten problemas con "algunhas adegas" que nun principio estaban moi interesadas e que agora non o están tanto". Ademais son momentos duros para as denominacións de orixe (D.O.) galegas. Recentemente nunha conferencia, o secretario da acción sindical de Unións Agrarias (UAAA), Xosé Ramón González, alertou de que o fungomildiu está ocasionando perdas dun 30%. Pero este non será o inconveniente para que esta empresa con proxectos de desenvolvemento "benevolentes" co medio natural continúe co seu traballo de investigación. De feito, nestes momentos están en proceso arredor duns dez proxectos deste tipo relacionados co mexillón, o viño desalcolizado ou o percebe.

As expectativas pintan ben e, nun principio, a comercialización comezará en Galicia; pero, a este ritmo, quen sabe? ●

CONTAMINACIÓN

▣ O Estado esixiulle que correse cos gastos

O armador do 'Ostedijk' terá que pagar a crise

O Goberno central reclamou o custo total das operacións realizadas tras a crise do Ostedijk armador do buque a través de súas compañías de seguros, xa que os custos iniciais foron asumidos polo Executivo estatal.

Así o manifestou o Goberno en resposta a unha pregunta parlamentaria do Grupo Popular, e na que indicou ademais que os gastos iniciais se cubrirán cunha dotación dos Orzamentos Xerais do Estado destinados á execución do Plan nacional de servizos especiais de salvamento e vida humana. O buque Ostedijk cargado con 6.012 toneladas de fertilizantes agrícolas, chegou o 17 de febreiro ás costas galegas en situación de risco tras decompórse parte da carga que transporta nas súas adegas.

Ademais, en resposta a outra pregunta dos populares, o Executivo nacional aclarou que o gabinete de crise "non foi un órgano de toma de decisións" e non se redactaron actas". ● E.P.

PESCA

▣ Prohibíronse as capturas ata 2008

O BNG pide axudas por mor da veda da anchoa

A deputada do BNG no Congreso Olalla Fernández Davila preguntoulle ó Goberno central lias dará axudas económicas buques galegos de pesca de anchoa no Golfo de Biscaia, ante a prohibición de capturar na zona a xullo de 2008. Ademais, pediu información sobre as razóns do Comité Científico para apoiar a veda de novo. ● E.P.